



**BOSNA I HERCEGOVINA**  
**Federacija Bosne i Hercegovine**  
**Tuzlanski kanton**  
**JAVNA USTANOVA**  
**DIREKCIJA REGIONALNIH CESTA**  
**TUZLANSKOG KANTONA**

---

Broj: 02-34-326-4/20

Datum: 15.10.2020. godine.

Na osnovu člana 32. Zakona o radu („Službene novine Federacije BiH“, broj 26/1 i 89/18), člana 19. Zakona o osnivanju JU Direkcija regionalnih cesta TK („Službene novine Tuzlanskog kantona“, broj: 12/13 i 7/15), člana 31. Pravila Javne ustanove Direkcija regionalnih cesta Tuzlanskog kantona broj: 05/5-05-21647-7/13 od 09.10.2013. godine, Odluke o izmjenama Pravila Javna ustanova Direkcija regionalnih cesta Tuzlanskog kantona broj: 01-05-211-3/15 od 30.07.2015. godine, Odluke o dopuni Pravila Javna ustanova Direkcija regionalnih cesta Tuzlanskog kantona, broj 01-05-1-283-3/17 od 06.07.2017. godine, Odluke o prijemu pripravnika na određeno vrijeme broj 02-34-326/20 od 01.10.2020. godine, Saglasnosti Ministarstva trgovine, turizma i saobraćaja Tuzlanskog kantona broj 05/1-30-0020143-20 od 08.10.2020. godine, direktor Direkcije regionalnih cesta TK, objavljuje:

**Javni oglas za prijem pripravnika na određeno vrijeme**

**PRIPRAVNIK**

**1/1 Pripravnik -Saradnik za tehničke poslove, VSS-VII stepen, završen tehnički fakultet-1 izvršilac,**

**OPIS POSLOVA:**

Pripravnik će obavljati poslove u svrhu osposobljavanja za samostalni rad u okviru svoje struke i sticanje potrebnog radnog iskustva za polaganje stručnog odnosno javnog ispita.

**USLOVI:**

Pored opštih uslova utvrđenih Zakonom o radu, kandidat treba da ispunjava i sljedeće posebne uslove:

- Visoka stručna sprema- VII stepen, završen tehnički fakultet,
- Da nema ostvaren radni staž/ iskustvo u struci nakon sticanja visoke stručne spreme,
- Poznavanja rada na računaru.

**TRAJANJE RADNOG ODNOSA:**

Radni odnos sa najuspješnijim kandidatom zasniva se na period od jedne godine.

**Uz prijavu na Javni oglas kandidat je dužan priložiti slijedeću dokumentaciju:**

- Kraću biografiju, kontakt telefon i adresu prebivališta,
- Diplomu o završenom odgovarajućem stepenu stručne spreme,

- Uvjerenje/dokaz visokoškolske institucije o prosjeku ocjena nakon završenog studija za (poziciju 1/1)
- Dokaz da kandidat nema ostvareno radnog staža u struci nakon sticanja odgovarajućeg stepena stručne spreme (potvrda /uvjerenje Zavoda za zapošljavanja ne starije od 15 dana ili uvjerenje porezne uprave ili nadležnog PIO/mio da kandidat nije prijavljen u jedinstvenom sistemu registracije, kontrole i naplate doprinosa ne starije od 15 dana), a kandidati koji imaju ostvareno radno iskustvo ili su još uvijek u radnom odnosu, činjenicu nepostojanja radnog staža u struci sa visokom stručnom spremom, nakon sticanja iste dokazuju uvjerenjem PIO/MIO uz dešifraciju školske spreme i zanimanja ili uvjerenje Poreske uprave o statusu sa pregledom historije osiguranja za osiguranika, ne starije od 15 dana,
- Dokaz o poznavanju rada na računaru što se dokazuje potvrdom ili uvjerenjem institucije koje se bave obukom za rad na računaru,
- Izvod iz matične knjige rođenih,
- Uvjerenje o državljanstvu (ne starije od šest mjeseci od dana izdavanja)
- Ovjerenu izjavu kod nadležnog organa da nije obuhvaćen odredbom člana IX Ustava Bosne i Hercegovine (ne stariju od 3 mjeseca).

Pored navedene dokumentacije:

Kandidati koji su demobilisani borci, članovi uže porodice demobilisanog borca, članovi porodice šehida ili poginulih boraca, kandidati koji imaju status ratnog vojnog ili su član uže porodice ratnog vojnog invalida, dobitnik/član uže porodice dobitnika ratnog priznanja trebaju dostaviti dokaz o navedenoj činjenici u skladu sa propisima kojima se reguliše oblast boračke-invalidske zaštite.

Prijavu na Javni oglas i kraću biografiju kandidat je dužan svojeručno potpisati.

**Traženi dokazi iz Javnog oglasa moraju biti priloženi u originalu ili ovjerenoj fotokopiji.**

Odabir kandidata za zasnivanje radnog odnosa na period od jedne godine, provodi komisija za izbor koja će razmotriti pristigle prijave, provesti intervju i utvrditi listu kandidata koja sadrži bodove kandidata ostvarene po osnovu Odluke o utvrđivanju kriterija za prijem pripravnika JU Direkcija regionalnih cesta TK broj 01-05-1-229-3/20 od 29.06.2020. godine, i istu dostaviti direktoru na izbor.

Sa izabranim kandidatom po ovom Javnom oglasu zaključit će se ugovor o radu na određeno vrijeme u trajanju od godinu dana.

Izabrani kandidat, prije zaključivanja ugovora o radu, dužan je dostaviti ljekarsko uvjerenje ovlaštene zdravstvene ustanove kojim dokazuju opću zdravstvenu sposobnost za obavljanje poslova za koje zaključuju ugovor o radu i uvjerenje da se protiv kandidata ne vodi krivični postupak (ne starije od 3 mjeseca).

Prijave sa traženim dokazima dostavljaju se u **zatvorenoj koverti** na adresu:

**JAVNA USTANOVA DIREKCIJA REGIONALNIH CESTA TUZLANSKOG KANTONA na adresi Albina Herljevića broj 43, 75000 Tuzla, sa naznakom "Prijava na Javni oglas za prijem pripravnika na određeno vrijeme"**

Rok za podnošenje prijave na Javni oglas je 8 (osam) dana od dana posljednjeg objavljivanja. Oglas će biti objavljen u dnevnom listu "Dnevni avaz" i na web stranici Vlade Tuzlanskog kantona i na web stranici JU Direkcija regionalnih cesta TK. Javni oglas se dostavlja i Službi za zapošljavanje Tuzlanskog kantona. Nepotpune i neblagovremene prijave neće se razmatrati.



DIREKTOR:

  
Zijad Omerčić, dipl. pravnik